

Skupština Kantona Sarajevo

Admela Hodžić, zastupnica u Skupštini Kantona Sarajevo

Sarajevo, 17.04.2025.

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

N/r predsjedavajućeg

Vlada Kantona Sarajevo

**ZASTUPNIČKA INICIJATIVA/ZAKLJUČAK ZA IZJAŠNJENJE
SKUPŠTINE KANTONA SARAJEVO**

Na osnovu čl. 106. i 213. stav (1) Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) podnosim inicijativu Vladi Kantona Sarajevo da se poduzmu sve aktivnosti kojim bi članovi Vlade (premijer i ministri) bili obavezni da prilikom zasnivanja radnog odnosa dostave Stručnoj službi za zajedničke poslove svu dokumentaciju koju dostavljaju i državni službenici (npr. lični dokumenti, izjave i ljekarsko uvjerenje).

OBRAZLOŽENJE

Zakonom o radno-pravnom statusu članova Vlade Kantona Sarajevo („Službene novine Kantona Sarajevo“, broj: 29/12-Prečišćeni tekst), članom 2. Zakona propisano je: „Na prava i obaveze koja se odnose na radno-pravni

status članova Vlade, koja nisu uređena ovim zakonom, primjenjuju se propisi kojima se uređuju prava državnih službenika u organima državne službe u Federaciji, Kantona Sarajevo, kao i opći propisi o radu i kolektivni ugovori.“

Prema informacijama iz medija koje smo svi imali priliku čuti i vidjeti, ima indicija da je u proteklom periodu u Vladi Kantona Sarajevo bilo imenovanja ministara koji su prije imenovanja proglašeni neuračunljivima, presuđeni za određena krivična djela, ali zbog njihovog zdravstvenog stanja oslobođani krivične odgovornosti. Zbog svih proteklih dešavanja u Kantonu Sarajevu, poštovat ćemo presumpciju nevinosti, ali ovom inicijativom želim da svako ko dobije određeno povjerenje građana i Vlade Kantona Sarajevo pod punom krivičnom i materijalnom odgovornošću odgovara za sve poslove koje obavlja u toku svog mandata. Ne smijemo dozvoliti da nakon prestanka mandata ministra po bilo kojem osnovu nije u stanju odgovarati za počinjena krivična djela i da to saznamo tek nakon završetka mandata.

Molim Skupštinu Kantona Sarajevo da se izjasni o navedenoj inicijativi.

Sarajevo, 17.04.2025. godine

Admela Hodžić